

Ռ. Հատյան

ՆՈՐ ՆՅՈՒԹԵՐ ԱԲՈՎՅԱՆԻ ԿԵՆՍԱԳՐՈՒԹՅԱՆ ՀԱՄԱՐ

Արովյանի կյանքի շատ կողմեր դեռ հայտնի չեն։ Դրա պատճառներից մեկն այն է, որ ամեն ինչի մասին փաստաթուղթ կամ որևէ վկայություն չի պահպանվել և, ի հարկե, չէր էլ կարող պահպանվել։ Բայց կա և մի այլ պատճառ։ Մինչև հիմա Արովյանի արխիվը անհրաժեշտ մանրակրկիտությամբ չի հետազոտված։ Մինչդեռ Արովյանի արխիվում կան բավականաչափ չհրապարակված փաստաթղթեր, որոնք ինչ-որ չափով լույս են սփռում Արովյանի կյանքի մի քանի անհայտ կողմերի վրա։ Նկատենք, որ Արովյանի կյանքից մի շարք փաստեր էլ, որ հայտնի են նրա մասին եղած կենսագրական գրականության մեջ, լրացման կամ ճշգրտման կտրիք ունեն։

Անհամեմատ քիչ տվյալներ են հայտնի Արովյանի նախադրյալային կյանքից. հատուկենա և մեծ մասամբ կցկտուր փաստեր։ Այդ տեսակետից, համեմատաբար, հարուստ է 1829 թիվը, ավելի ստույգ նրա երկրորդ կեսը, որը նշանավոր է Մասիսի գազաթը բարձրանալով և այդ կապակցությամբ Արովյանի շուրջը ստեղծված հալածանքներով, որոնք շարունակվեցին մինչև Բորպատ ճանապարհվելը։

Այն նյութերը, որ մենք հանձնում ենք Արովյանի ապագա կենսագիրներին ուղարկությանը, վերաբերում են Արովյանի կյանքի այս շրջանին, ընդգրկելով նաև 1830 թվի առաջին կեսը, ընդհուպ մինչև Բորպատ մեկնելու պահը։

Այս նոր նյութերը մի կողմից երևան են հանում Արովյանի կյանքի որոշ անհայտ և նոր մանրամասնությունները, մյուս կողմից՝ արդեն հայտնի դեպքերից մի-երկուսը լրացնում են, ճշգրտում։

ՄԻ ՔԱՆԻ ՄԱՆՐԱՄԱՍՆՈՒԹՅՈՒՆ

Երվանդ Շահադիդի «Նաչատուր Արովյանի կենսագրության» մեջ կարդում ենք հետևյալը․

Արովյանը «արդեն իր բոլոր պատրաստությունը տեսած է եղել (խոսքը Դորպատ ճանապարհվելու մասին է. Ռ. Հ.), ստացած է եղել իր ծնողների թույլտվությունը, 1829 թվի դեկտեմբերի 4-ին էլ, շատ թախանձելուց հետո, նրան հաջողվել է ստանալ և կաթողիկոսի թույլտվության կոնդակը, նույն թվի դեկտեմբերի 9-ին էլ՝ ուղեգիր (ОТКРЫТЫЙ ЛИСТ), հայերեն գրած, և օրեց օր անհամբեր սպասել է Պարբոտի նամակին։ 1830 թվի ապրիլին, վերջապես, Արովյանն ստացել է Պարբոտից մի նամակ, ուր հայտնված է, որ Դորպատ մեկնելու խնդիրը որոշված է։¹

¹ Երվանդ Շահադիդի, «Նաչատուր Արովյանի կենսագրությունը», Երևան, 1963, էջ 14։

Այն փաստը, որ ուսման գնալու համար Արովյանը եփրեմ կաթողիկոսից կոնդակ է ստացել, հայտնի չի եղել ոչ Մ. Տեր Ազարյանցին և ոչ էլ Ներսես Տեր-Կարապետյանին։ Այդ մասին առաջին անգամ խոսք եղել է մեր գրած կենսագրական համառոտ ակնարկում,¹ հետո նաև Շահազիզի կազմած «Դիվանում», ուր հրապարակված է կոնդակն ամբողջությամբ։

Կոնդակը, ճիշտ է, նորություն էր Արովյանի կենսագրության մեջ, բայց այն միտքը, թե պատանուն հաջողվում է թախանձագին աղերսներով առնել կաթողիկոսի համաձայնությունը բորպատ մեկնելու մասին, և դեկտեմբերի 4-ին էլ ստանալ կոնդակ՝ հիմնավորված չէ որևէ փաստական տվյալով։ Մեզ համար, ինչպես երևի նաև Շահազիզի, հիմք է ծառայել Հաքսթհաուզենի պատմածը կաթողիկոսի և Արովյանի հրաժեշտի մասին։²

Նորահայտ փաստաթղթերի ուսումնասիրությունը տարբեր և նոր մանրամասնություններ են պարզում։ Եվ Շահազիզը, որ «Դիվանը» հրապարակելուց հետո, 1945-ին նորից և ավելի հանգամանորեն հանդես է եկել Արովյանի կենսագրությամբ, հնարավորություն ունեւր ուղղելու վերահիշյալ սխալը. բայց չի արել։

Գեորգ Հախվերդյանի թղթերի մեջ գտնվել է Արովյանի մի անտիպ ուղեգրությունը՝ «Поездка к развалинам Ани» անունով։³

Այս ուղեգրական աշխատության մեջ Արովյանը, իր սովորության համաձայն, շեղվելով բուն նյութից, վերհիշել է իր կյանքի մի քանի մանրամասնությունները։ Կան նորություններ և այնպիսի փաստեր, որոնք ճշգրտում են հրապարակի վրա արդեն եղած, սակայն լուսաբանության կարոտ որոշ տվյալներ։

Բնորոշ են Արովյանի այդ աշխատությունից մի հատված, ուր մեզ դրաղեցնող հարցի և այլ խնդիրների շուրջ կան ուշագրավ մանրամասնություններ։

...«Паррот уезжал с одними лишь холодными [обещаниями, сделанными] милым гоним: «Постараюсь, но не могу обещать вам ничего прочного». Мне надобно было только, по его железной воли, хлопотать о своем увольнении не из духовного звания, а со службы на несколько лет. С окрововленным сердцем встретил я опять черные стены эчмиадзинские, никогда не казавшиеся» в столь страшном виде, как теперь. Целая неделя прошла для меня пытками невыразимыми. Ежедневно почти призван был я в страшный суд тогда еще могучего Синода, имеющего неограниченную власть над всею церковью и нацией даже. Упреки, угрозы, наставления одного, обещание епископского сана и места — через 5 лет — после того дня, — другого — ничего не утешало, не заманило меня. Покойник архе-

¹ Արովյանի կյանքը, Երևան, 1939, էջ 38.

² «Դիվան Խաչատուր Արովյանի», կազմեց և ծանոթագրեց Երվանդ Շահազիզ, Երևան, 1940, էջ 97—8.

³ А. Гакстгаузен, — «Закавказский край» часть I, стр. 200.

⁴ Հայկական ՍՍՌ Գիտությունների Ակադեմիայի Մ. Աբեղյանի անվան Գրականության Ինստիտուտի Գրական Թանգարան, Խ Արովյանի արխիվ, № 23.

⁵ Խնագրում՝ 113.

⁶ Խնագրում՝ показавшиеся.

епископ Иосиф Тер-Маруков, важнейший тогда член Синода, раз до полуночи старался всячески обольстить меня будущим моим карьером в звании епархиального архиепископа в Грузии или в России, основываясь на знании моем русского и армянского языков, что и теперь редкость в монастыре. Он и правду говорил, но юному сердцу казалось¹ все это одною лишь химерою.²

Наконец, решились обещать мне отправить меня на свой счет в Москву в Институт Г. Лазаревых весною, лишь бы я оставил свое намерение последовать за этими лотранов (лютеран), не знающими ни постов, ни святых, ни даже бога. Я успокоился, но неосновательность этой надежды, которою старались святые отцы удержать и остановить меня от преследования за Парротом, открылась мне, по особенному ко мне его благоволению, покойником Иоанном, не бывшим тогда еще Патриархом, а старшим членом Синода. Ужас отчаяния объял меня с адскою силою. Я явился уже с твердою решительностью оставить свое духовное звание, как они не отпустят³ меня. Синод, вычеркнув⁴ меня из места своих братьев, произнес на меня проклятие, на место благословения. Отобрали все мои вещи до нитки, оставляя на мне только платье одно. Горе тому, кто с этой минуты и поклониться со мной осмелился! Я вышел из монастыря без копейки, в темную ночь и провел ее в доме зятя, живущего и теперь в Вагаршапате (эчмиадзинской деревне). Товарищ мой, ученый священник, теперь в Бессарабии,—Мсур—послал секретно свою маленькую шубу. Друг мой и учитель, ученый Иоанн Крымский, ныне епископ в Испане,—10 рублей серебром, по приказанию Патриарха, ослепленного и бездейственного уже по причине слабого здоровья, который очень поздно узнал обо всем происшедшем через Иоанна же, своего кабинетного секретаря. Одна его добродетельная душа сострадала со мною, одно его ангельское сердце открылось ко мне с благословением. Я был призван к нему в полуночи, когда все спало в монастыре сном глубоким. Слезы и тон этого божественного старца чисто патриархальных времен Авраамов и, уже 18 лет тому назад, и теперь поражают меня до глубины сердца.—„Подойди ко мне, мой Рафаэл,⁵—сказал он мне голосом, потрясшим всю мою экзистенцию и теперь, голосом Исаака праведного,—„Подойди ко мне, любезный отрок благочестивого Абсва; блага твоя цель, полезен твой путь. Но обещаешь мне не забыть родины и родной церкви,—вот мое обьятие, вот мое благословение, вот и увольнение твое, исключаящее тебя не из числа твоих братьев, не из сердца моего, а из службы одной. Да благословит Все-

¹ Բնագրումն՝ օճառուցւումն.

² Բնագրումն՝ քիմերիոյ.

³ Բնագրումն՝ քստյալ.

⁴ Բնագրումն՝ ինչերկուց.

Խոսքը Բողոքիդ արքայանի մասին է.

⁵ Բնագրումն՝ հետքով.

вышний твой путь", — произнес старец, обняв меня дрожащими руками и со любовью отца расцеловал, дал свою благотворную десницу к прикладыванию, дал и уволнительный лист, и я встал, ушел от него, чтобы навек благословить память его священную, блаженную, но забыл ли я нацию свою и церковь, пусть нация опять скажет, которая знает меня уже лет 11 после приезда из Европы!.

Դոն. Նոր կողմեր է պարզում այս հատվածը:

Առաջին. խոստանալով հաջողել Արովյանի ուսման գործը, Պարրոտը մեկնելիս նրա առաջ խնդիր է դրել՝ ազատվել ոչ թե հոգևոր կոչումից, այլ ծառայությունից՝ մի քանի տարով:

Երկրորդ. տարբեր աղբյուրներից հայտնի էր այն հավածանքը, որ առաջացել էր Արովյանի շուրջը ուսման մեկնելու կապակցությամբ: Այս հատվածով եղած տեղեկությունները հաստատվում են ավելի փաստացի կերպով՝

Երրորդ. պարզվում է, որ Արովյանին խոստացել են Լազարյան ճեմարան սովորելու ուղարկել, եթե նա Դորպատ՝ Պարրոտի մոտ զնալու մաքից հրաժարվի¹: Այս հատվածից պարզվում է նաև, որ այդ եղել է միայն խոստում: Եվ Հովհաննես Կարբեցին, որ այն ժամանակ Սինոդի ավագ անդամներից էր, բացում է վաղտնիքը, հայտնելով, որ Արովյանը չպետք է հույսեր կապի այդ խոստման հետ:

Չորրորդ. սարսափելի հուսահատության մեջ ընկնելով՝ Արովյանը հաստատապես որոշում է հրաժարվել հոգևոր կոչումից, որպեսզի ազատ լինի և կարողանա իր սեփական բախտը տնօրինել ուղածի պես: Եվ այդ պատճառ է դառնում, որ Սինոդը, նշովելով Արովյանին, միաբանությունից հեռացնում է:

Հինգերորդ. Դորպատից, 1832-ի մարտի 2-ին կաթողիկոսի անունով գրված ընդարձակ նամակից՝ հայտնի էր, թե ինչպես Տեր-Մարությանը, նրա հետ նաև ուրիշները, Սինոդի վերահիշյալ վճռից հետո՝ հարձակվում են Արովյանի վրա, խլում նրա ունեցած չունեցածը և դատարկաձեռն ճանապարհում: Այս մասին մինչև այժմ արովյանագիտությանը հայտնի փաստաթղթերի մեջ ոչ մի խոսք չկա, թեև Արովյանը առիթ է ունեցել խոսելու այդ թղթերի մեջ իր նկատմամբ էջմիածնի ունեցած վերաբերմունքի մասին:

Կաթողիկոսին գրված նամակում Արովյանը կարող էր շատ բան չափազանցնել, որովհետև դեռ թարմ էր այն վիրավորանքը, որ հասցրել էր իրեն Տեր-Մարությանը: Եվ հետո, անկարելի չէ, որ Արովյանը՝ հիշելով Կարբեցու լավ վերաբերմունքը, և կարծելով, որ այն մինչև այդ էլ շարունակվում է, փորձել է կաթողիկոսին գրգռել Տեր-Մարությանի դեմ: Կարելի էր այդպես մտածել, եթե այս ուղեգրական աշխատության մեջ նույն դեպքը հիշատակվելիս չլինեք: Շատ տարիներ հետո՝ գրված ուղեգրական

¹ Այս մասին խոսք կա նաև էջմիածնի Սյունհոդոսի բարձրագույն ժողովին ուղղված Արովյանի մի դիմումի մեջ, որը ժամանակին հրապարակել է Ա. Երեցյանը: Այդ դիմումը տեղ է դրել նաև «Դիվանի» մեջ (էջ 26):

² Այդ նամակը, որ ցուցված է Արովյանի Դորպատյան օրագրերից, առաջին անգամ լույս է տեսել Տեր-Պարպեայանի գրքում (էջ 123—130), ապա նաև «Դիվանում» (էջ 35—41):

Ուղեգրական աշխարհը անթվալի է, բայց մեզ թվում է, որ այն պետք է գրված լինի ոչ շուտ, բայց 1817-ի վերջերին:

այս ակնարկի մեջ, նույն դեպքի հիշատակումը հաստատում է փաստը, այլևս տեղ չթողնելով կասկածի համար, թե նման բան իսկապես եղել է կամ ոչ, կամ որ Արուսյանը պատահած դեպքը ենթարկած լինի չափազանցություն:

Այս փաստը ուղղում է այն սխալը, որ մենք թույլ ենք տվել Արուսյանին նվիրված կենսագրական ակնարկի մեջ, գրելով թե՛ «հրաժեշտի պահին մի խուժը հոգևորականներ հարձակվում են նրա վրա, խլում շորերն ու ճամբրի պաշարը»¹ Ուրեմն՝ այդ հարձակումը նախորդել է հրաժեշտի օրվան, և ոչ այնքան մեկնելու, որքան այն պատճառով, որ Արուսյանը համարձակվել է չէ թե միայն ընդդիմանալ Սինոդի կամքին՝ ուսման մեկնելով, այլ համարձակվել է հրաժարվել հոգևոր կոչումից՝ եվ վերջապես այդ հարձակումը ամենևին կապված չի եղել Պարրոտի նամակի հետ, որովհետև այն մի քանի ամիս հետո է միայն ստացվել:

Շատ է դարձանալի, որ մի այդպիսի կարևոր փաստ Արուսյանի կյանքից՝ Շահադիդը չի օգտագործել 1945-ին գրած ընդարձակ կենսագրության մեջ, թեև իրեն ոչ միայն հայտնի է եղել վերոհիշյալ հալածանքը, այլև, ճիշտ է, մի փոքր սխալ ձևով, բայց դրանից առաջ օգտագործել է մի այլ աղբյուր²:

Վեցերորդ. այս հատվածը ցույց է տալիս, որ վերոհիշյալ հալածանքների շրջանում, Արուսյանը, թշնամիներից բացի, ունեցել է նաև սրտակից բարեկամներ, որոնք իրենց ուժերի ներածին չափով օգնություն են հասել նրան (Մսերյանց, Շահաթունի և ուրիշ):

Յոթերորդ. Հաքսթհաուզենի գրքից³ հայտնի էր Արուսյանի ու եփրեմ կաթողիկոսի հանդիպումը: Այս տվյալը օգտագործված է Արուսյանի կենսագիրների՝ Մ. Տեր-Ազարյանցի, Ն. Տեր-Կարապետյանցի, Ե. Շահադիդի կողմից: Ուղեգրական ակնարկի մեջ նույնպես խոսք կա այդ մասին:

Կենսագրական յուրաքանչյուր տվյալ, որքան շատ աղբյուրներ ունենա, այնքան ավելի հավաստիություն է ձեռք բերում: Ճիշտ է, այն, ինչ Հաքսթհաուզենն է նկարագրել, ինչպես հայտնի է, քաղել է իրենից՝ Արուսյանից: Բայց մեղ հայտնի չէ, թե ինչպես է Արուսյանը Հաքսթհաուզենին հաղորդել և այդ հաղորդածը նրա կողմից ինչ ձևով է վերաբրտադրվել: Իսկ այս դեպքում մենք գործ ունենք մի փաստաթղթի հետ, որ պատկանում է անմիջապես Արուսյանի գրչին:

Հաքսթհաուզենի և Արուսյանի պատմածները միևնույն դեպքի մասին թեև մի փոքր ըրարից տարբերվում են, բայց հակասական չեն: Հաքսթհաուզենի նկարագրածի մեջ կաթողիկոսի խոսքը ավելի լրիվ չափով կարելի է գտնել: Սակայն դրա փոխարեն, Արուսյանի նկարագրությամբ կենդանանում է այն հալածական միջավայրը, որը և կաթողիկոսին ստիպել է կանչել Արուսյանին իր մոտ, տալ իր օրհնությունը: Հետո, կաթողիկոսի խոսքի մեջ, ըստ Արուսյանի պատմածի, կա մի կարևոր մանրամասնություն. պարզվում է այն հարցը, թե ինչպես է պատահել, որ Սինոդի վճռով

¹ «Արուսյանի կյանքը», 1939, էջ 37.

² «Դիվան Քաջաուր Արուսյանի» էջ 12:

³ А. Гакстгаузен, «Закавказский край», часть 1, стр. 200

էջմիածնի միաբանությունից հեռացված Արուստում և այնուհետև՝ պահպանում է իր հոգևոր կոչումը, և ինչև որ 1839 թ. էջմիածնի Սինուր Արուստումին, իր խնդրագրի համաձայն, աղատում է սուրկավագությունից¹։ Կաթողիկոսի այն խոսքը, թե Արուստումին տալիս է ոչ միայն իր օրհնությունը, այլև արձակման թուղթ, որով նա ոչ թե հանվում է միաբանների թվից, այլ միայն պաշտոնից՝ պարզում է վերահիշյալ հարցը։

ՄԻ ԼՁ ԴՈՐԱՏՈՒՄՆ ԹԵՎԻԴԵՐՈՅ

Արուստումի կյանքի նույն այդ շրջանը լուսաբանող մի այլ, մինչև այժմ չօգտագործված փաստաթուղթ ևս գոյություն ունի։

Յուրաքանչյուր տարվա սեպտեմբեր ամիսը Դորպատում մի առիթ է եղել, որ Արուստում և Պարրոտը միասին կամ Արուստում մենակ հիշեն 1829 թ. սեպտեմբերը, Մասիսի գաղաթ բարձրանալը—դրա հետ կապված դեպքերը և այլն։

Այսպես, օրինակ, մի անգամ Պարրոտն իր բարեկամներին և ծանոթներին, այդ թվում նաև Արուստումին, հրավիրում է իր տուն՝ Մասիսի գաղաթը բարձրանալու միավայելը նշելու համար։

Այս մասին գրանցում կա դորպատյան օրագրերի առաջի էջերում²։

Մի անգամ էլ, արդեն տարիներ հետո, Արուստում տանը մենակ ֆեյսադած ժամանակ, ուշ գիշերով հիշում է նախադորպատյան օրերը, իր կյանքի մի քանի մանրամասնությունները և դրանց մի մասը գրի առնում իր օրագրերի մեջ։

Արուստումի կենսագիրներից առաջինը, որ օգտագործել է դորպատյան օրագրերը, Ն. Տեր-Կարապետյանն է³։ Մ. Տեր-Աղարյանցը, որ կենսագրությունը գրել է նույնպես արխիվային նյութերի հիման վրա, ասում է. «մեղ հայտնի չեն Արուստումի կյանքի բոլոր հանգամանքները Դորպատի մեջ»⁴։ Նշանակում է, Աղարյանցի ձեռքի տակ չեն եղել Արուստումի դորպատյան օրագրերը։ Արուստումի դորպատյան կյանքից Աղարյանցը հիշում է միայն մի դեպք—Արուստումի սրտառուչ հանդիպումը ֆահրագ Բաղալյանի հետ, և դրա հետ կապված մի շարք մանրամասնություններ, որ կենսագիրը քաղել է Բաղալյանին նվիրված ոտանավորի բավական ընդարձակ ծանոթությունից⁵։ Այդ ոտանավորը մի քանի արտագրությամբ պահպանվել է Արուստումի ձեռագիր մատյաններում։ Ն. Տեր-Կարապետյանից հետո, ուրիշները, մանավանդ Շահադեղը, շատ են օգտագործել դորպատյան օրագրերը։ Չնայած դրան, դորպատյան օրագրերը դեռ բավական նոր և հետաքրքիր փաստեր, տվյալներ և մանրամասնություններ են պարունակում իրենց մեջ։

¹ Ն. Տեր-Կարապետյան. «Քաջատուր Արուստում», 1897, էջ 131—132։

² Հայկական ՍՍԻ Գիտությունների Ակադեմիայի Մ. Արեղյանի անվան Գրականության Ինստիտուտի Գրական Թանգարան, Խ. Արուստումի արխիվ, № 16։

Ն. Տեր-Կարապետյան. «Քաջատուր Արուստում», 1897, էջ 33—82։

³ Մ. Տեր-Աղարյանց. «Մեկ քանի խոսք Արուստումի վերա» (Կոնստանդուպոլիս, 1861, թիվ 1, էջ 536)։

Նույն տեղում, էջ 537—8։

Թե կառապետյանը, թե Շահազիզը չեն օգտագործել դորպատյան օրագրերի վերջին էջերից մեկը, ուր ուշագրավ տվյալներ կան Աբովյանի կյանքի այն օրերի մասին, որ նախորդել են նրա 'Դորպատ մեկնելուն': Օրագրերից քաղում ենք Աբովյանի սեպտեմբերյան վերհիշումների մի մասը միայն, մի հատված, ուր մեզ զբաղեցնող հարցերի վերաբերյալ փաստեր կան:

Ահա այդ հատվածը:

«Ես ինքնին ընտրեցի վասն իմ զպանդխտական վիճակն առ ի ընդլ զփափագ ցանկութեան իմոյ. որպիսի նեղութիւն, որպիսի տանջանս ոչ կրեցի, ի նոյնիսկ 'ի հայրենիս իմ միմիայն վասն լուսավորութեան իմոյ: Տեսեալ զտգիտութիւն և զգթբախտութիւն ազգակցաց իմոց և լուեալ զհամբաւ բարեբախտութեան և ծաղկեալ վիճակի Եւրոպացոյ յամենայն աղգս կենաց, զիարդ ծանր թուէր ինձ ապարախտութիւն իմ անկեալ զոլով յայնպիսի երկիր, ուր և ոչ մի ինչ 'ի դիտաւորութեանց իմոց կարէր յառաջ գալ, և 'ի հեռի զոլով յայնմ աշխարհէ, ուր բոլոր բազմանք իմ թուէին իբրեւ 'ի սրբաբանի կընքեալ. լերինք կովկասեան թուէին ծածկել ի թիկունս իւրեանց զայն ամենայն, զոր երիտասարդական իղեալ իմ խոստանայր ինձ: Ո՞վ չէր քանչեւ տենչանաց երիտասարդութեան, զի՞ արդ քաղցր են նոքա մեզ, ամենայն աղգք փորձանաց ամենայն արհամարհելի թուին մեզ միմիայն ի ընդլ զնոսա: Ոչինչ աղերսանք, ոչ ոչ արտասուք նաղելի ծնողաց, ոչ սէր հայրենեաց, ոչ վտանգք ապառնի պատահաբաց շիջուցին 'ի յիս գայս եռանդին: Հոգոց և թառաչ հանելով հայէի 'ի տարածեփ երկնամբարձ չղթայս կովկասեան և հոգի կենաց իմոց յուսայի միմիայն 'ի հիւսիսային հողմոյ ստանալ, այն զի հարաւն ինձ միմիայն բարբարոսութիւն և տգիտութիւն շնչէր: Լսելիք հոգևորականաց մերոց ծանրացեալ էին ի խնդրատուութեանց իմոց առաքել զիս անդ: Ուր և յուսայի գտանիլ սակաւ ինչ օգնութիւն առ ձեռքէ, առ հայս և առ ռուսս և յայլ օտարս, զիմէի անդ անահ, աներկիւղ. խնդրելով զմիջոց միմիայն գնալոյ 'ի Ռուսաստան. անդ կամէի զիս յանձն առնել միմիայն օրհասի իմոյ: Անգամ մի յուսայի փախստեամբ 'ի տանէ ծնողաց իմոց հասանել նպատակի իմոյ: Յայս սակս եղէ առաջ նշաւակի բաղմաց: Ոմանք ծիծաղէին ի վերայ անկայուն բարուց իմոց, այլք 'ի վերայ զգէտ մտաստանջութեան և ո՞վ կարէր փակել զբերանս օտարաց: Բոլոր վտարանդի ոք շիջէի 'ի վայրէ 'ի վայր, անհաստատ, անկայուն. վիճակակից հոգևորականք նովաւ միայն կամէին ցաւեցուցանել զիս, տալով ստորաց քան զիս զբարձրագոյն աստիճան և նուաստացուցանելով զիս: Այլ ևս մտադրեալ էի ոչ յանձն առնուլ աստիճան ինչ կամ պատիւ, մինչև ընդլ զմտադրութիւն իմ. այլ զայս ամենայն ես թողում այլուժ ժամու լիովին պատմել: Ձայն միմիայն ոչ կամիմ թողուլ 'ի բաց, թէ սոյն այս և այլ պատահմունք այնքան դառնացուցեալ էին զաւուրս իմ, և խլեալ յինէն զհաւատարմութիւն մարդկան, մինչև թշնամի համարեալ ինձ զամենայն մարդ. փախչել 'ի ժողովոյ նոցա և հալածական լինել յամայիս և 'ի ձորս: Այլ ամենախնամ նսխասահմանութիւն չէր անտես արարել զիս: Հետ անհնարին փորձանաց և նեղսակրութեան առաքեաց նա ինձ զկատարիչն ցանկության իմոյ, զորոյ անունն զոհութեամբ կարդացից զամենայն աւուրս կենաց իմոց: Ազատութիւն հայրենեաց իմոց չէր աննշան վասն պարբերութիւն վասն պատմութեան և օրհասի ազգին իմոյ. և ես ի յետին աւուրս ի 27 ամի կենաց

իմոց, կրկին զսկիզկէն արարի լնուլ զդիտաւորութիւն իմ: Հասակ, որ ոչ այնքան երկարութեամբ ամաց, որքան դառնութեամբ կենաց և չարչարանօք մտաց բթացուցեալ և խանդարեալ էին վամենայն կարողութիւն հոգւոյ իմոյ:

Ես նորոգեցի դիւնդիր իմ առ հոգևորականս մեր և առ այլ անձինս: Առաջինքն ընկալան զայն այնու պայմանաւ, զի եթէ ես ձրի ծառայէի նոցա, նոքա ուզարկելոյ էին ի մերձաւոր պատահման ծախիւք իւրեանց ի Ռուսաստան ընդ նուրիկաց ոմանց. այլ և այս երկարեցաւ և նոքա ոչ կտմէին արձակել դիս, նկատեալ յօգտատուութիւն իմ, զի ես միմիայն էի ի բոլոր վանքին, որ թէև անկատար, այլ զոնէ ըստ մասին ինչ ոռւսներն հասկանայի և հոգևորականք մեր համարելով զիս գիտնակտն ոք, որովհետև բաց ի ոռւսներէն զհին լեզուն հայոց քաջ գիտէի, որ օտար ինչ էր յայնժամ ի մեջ նոցա և սակաւք գիտէին զայն: Խոստանային զպատիւ, պատիճան վարդապետութեան և եպիսկոպոսութեան, եթէ ես թոյլ տայի դիտաւորութեան իմոյս:

Արովյանն ասում է, որ շատ բան ունի պատմելու, որ ամբողջը չի ասում, ոք զրա մասին խոսելու է մի ուրիշ անգամ: Բր այս խոստումը, զժբախտութեամբ, նա չի կատարել, ինչպես և անկատար է մնացել այն խոստումը, որ մի օր պատմելու է, թե ինչ է իր հետ խոսել Սինոդը՝ և այլն: Ի՞նչ իմանա, զուցե և զեռ հայտաբերվեն այնպիսի փաստաթղթեր, որոնց մեջ գտնենք այդ ամենը:

Դորպատյան օրագրերից քաղված այս հատվածը, վերաբերելով ճիշտ այն շրջանին, որի վրա ինչ-որ չափով լույս սփռեց „Поездка к развалинам Ани“ ուղեգրությունից կատարված մեջբերումը, իր մեջ պարունակում է մի քանի նոր և լրացուցիչ տեղեկություն:

Այս փաստաթուղթը հետաքրքիր է առանձնապես նախապարրոտյան շրջանը պարզող տվյալներով:

Պարզվում է, որ մինչև Պարրոտի գալը, Արովյանը իր ուսման խնդրով դիմել է նաև ուրիշներին, միայն թե հաջողի Ռուսաստան զնալ: Խոսքը հւմ մասին է հայտնի չէ: Պետք է ենթադրել, որ դրսեք եղել են ոռուս և օտար ճանապարհորդներ, որ այցելել են նաև Հայաստան, թեև արովյանագլխության մեջ դեռ որևէ ճանապարհորդի անուն հայտնի չէ, որ Արովյանի կյանքում նախորդած լինի Պարրոտին: Սակայն Պարրոտի ստացած իր տպավորությունների մասին խոսելիս, ինքը Արովյանն է ասում, որ շատ օտարների է թարգման եղել, բայց ոչ մեկը չի ներշնչել այն համակրությունը, ինչ սա:

Այս մասին Արովյանը խոսում է դորպատյան օրագրերում՝ իր էջմիածնական կյանքը մտաբերելիս: Իւրեմն՝ բոլոր դեպքերում էլ Արովյանի արած համեմատությունը վերաբերում է այն մարդկանց, որ եկել են էջմիածին մինչև Արովյանի Դորպատ մեկնելը:

Արովյանը, ինչպես պարզվում է, դիմել է նաև բարձրաստիճան, զիրք և անուն ունեցող հայերի: Թե ովքեր են այդ հայերը՝ նույնպես պարզ չէ:

¹ Հայկական ՍՍԻ Գիտությունների Ակադեմիայի Մ. Արեգյանի անվան Գրականության Ինստիտուտի Գրական Թանգարան, Խ. Արովյանի արխիվ, № 16 ա:

² Նույն տեղում, № 23:

³ Նույն տեղում, № 16 ա:

Պարզ է, սակայն, որ ԱրոՎյանը ոչնչի առաջ կանգ չի առել, միայն թե միջոց ձեռք բերի՝ ուսման հետ կապված իր ձգտումներն իրագործելու։ Նա նույնիսկ փախչելու փորձ է արել և այդ պատճառով դարձել ծաղրի առարկա։

Էջմիածնի հոգևորականությունը ԱրոՎյանին վերավորելու, նվաստացնելու նպատակով, նրա վիճակակից կրոնավորներին, նույնիսկ նրանց, որ իրենից շատ էին ցած և անարժան, բարձրագույն աստիճան է տվել։ Սակայն ոչինչ չի կարողացել ԱրոՎյանին շեղել իր իղբալիցի, Եվ այդ այն պատճառով, որ ԱրոՎյանը հաստատ վճիռ էր կայացրել, ինչպես ինքն է ասում, հանձն չառնել որևէ աստիճան կամ պատիվ՝ մինչև որ իր մտադրությունը չկատարի։

Կամքը կոփող մի ծանր փորձություն էր այդ պատանի ԱրոՎյանի համար։ Թեև նա փորձել է չընկճվել, նահանջի ոչ մի քայլ չկատարել, բայց այնուամենայնիվ, ինչպես այս փաստաթուղթը ցույց է տալիս, հուսահատության պահեր շատ է ապրել։ ԱրոՎյանը դեռ պատանի հասակից հալածված մարդու հոգեբանություն է ապրել։ Շատ դառնություններ են կուտակվել նրա հոգում, և այդ ամենը, ինչպես ինքն է ասում, խլել է նրանից դեպի մարդն ունեցած հավատը։ Նա այդ օրերին՝ ամեն մարդու թշնամի է համարել, փախել մարդկանցից, մենակություն որոնել։ շրջել ամայի տեղերում, ձորերում։

Ի միջի այլոց նկատենք, որ օրագրերի այս հատվածում, ԱրոՎյանը մտաբերելով 1829-ի վերջին ամիսները, իրեն հայտարարում է քսանյոթ տարեկան։ Այս ցուցմունքի համաձայն՝ ԱրոՎյանը ծնվել է 1802-ին։ Մինչև այժմ եղած ծննդյան տարեթվերին (1804—5, 1807, 1809, 1810) ավելանում է մի նորը։ Այս տվյալը ոչ թե օգնում է պարզելու, ճշգրտելու, թե եղած տարեթվերից որն է հավանականը, այլ ավելի է խճճում ԱրոՎյանի ծննդյան տարվա հարցը։

ԱրոՎյանն ասում է, որ հոգևորականությունը թույլ չէր տալիս իրեն հեռանալ Էջմիածնից, ամեն կերպ արգելակում էր, Դրա պատճառներից մեկն էլ այն է եղել, որ մեր մեծ լուսավորիչը դեռ իր պատանի հասակում միակ ուսուցիչն իմացողն է եղել ամբողջ վանքում։ Եվ, բացի այդ, միաբանության մեջ, ինչպես ԱրոՎյանն է ասում, քչերն են գրաբար այնպես իմացել, ինչպես ինքը։ Այս ցույց է տալիս, թե ինչ մակարդակի վրա է եղել Էջմիածնի մտավորական միջավայրը։ ԱրոՎյանը շատ լավ հասկանում էր, որ այդ միջավայրում ինքը աճել չի կարող։ Դրա համար էլ նա այնպես որոշն ձգտում էր հեռանալ։

Ի միջի այլոց նկատենք, որ ԱրոՎյանի ասածները համընկնում են այն տպավորությանը, որ Էջմիածնից ստացել էր Պարրոտը¹։ Սակայն անհավանական չէ, որ ԱրոՎյանը այդ ներշնչած լինի Պարրոտին, մի փոքր էլ գուցե չափազանցելով փաստերը, և այդ այն դիտավորությամբ, որ ցույց տա, թե ինքը ինչ միջավայրի մեջ է գտնվում և դրանով ավելի համոզիչ դարձնի Էջմիածնից հեռանալու, Ռուսաստանում ուսում ստանալու անհրաժեշտությունը։

¹ Friedrich Parrot. „Reise zum Ararat“, 1834.

ԱՆՀԱՅՏ ՊԵՍՍՈՆՆԻ ԱՐՈՎՅԱՆԻ ԿՑԱՆՔԻՑ

Շահագործողը գրում է, որ 1829-ի դեկտեմբերի 4-ին Արովյանը եփբեմ կաթողիկոսից կոնդակ ստացավ և հաջորդ տարվա ապրիլին էլ՝ Պարրոտից նամակ¹։

Արովյանը Թիֆլիսից Դորպատ ճանապարհով է հուլիսի 11-ին, իսկ Թիֆլիս նա պետք է ճանապարհված լինի ոչ շուտ, քան 1830-ի հուլիսի առաջին օրերին։ Այդպես ենք կարծում, որովհետև Ալամզարյանի նամակը, որի մեջ ասված է, թե ինքը Թիֆլիսի գինվորական զավառապետից գրություն է ստացել Արովյանին արված արքունի շնորհի մասին, գրված է 1830-ի հունիսի 24-ին²։ Ալամզարյանը այդ ժամանակները եղել է Թիֆլիսում։

Հարց է ծագում — ինչ է արել, որտեղ է եղել Արովյանը այդ կես տարին, հաշված այն օրից, երբ կաթողիկոսից կոնդակ ստանալով՝ ազատված է եղել էջմիածնում զրադեցրած պաշտոնից։

Ձեռքի տակ տվյալներ չունենալով, Շահագործողը բավականացել է ստելով, որ Արովյանը «օրեցօր անհամբեր սպասել է Պարրոտի նամակին»³։

Արովյանի արխիվում եղած մի շարք փաստաթղթեր հնարավորություն են տալիս ինչ-որ չափով պարզել մեզ զբաղեցնող հարցը։

Պահպանվել են Արովյանին հասցեագրված Մսեր Մսերյանցի մի քանի նամակները։ Մսերյանցը, որ Լազարյան ճեմարանում եղել է կրոնի և հայոց լեզվի դասատու, գրել է մի շարք կրոնական, պատմագիտական և բանասիրական ուսումնասիրություններ, հրատարակել զրաբար լեզվով «Ճոռաքաղ» ամսագիրը, մազիստրական գիտական աստիճանին հասել, Արովյանի էջմիածնական մտերիներից է, նրա խցակիցը, Արովյանի նման դպիր և ոչ պակաս չափով հալածված էջմիածնի միաբանության կողմից։ Թեև իրենց կյանքի ամենահասուն տարիներին Արովյանը և Մսերյանցը շատ տարբեր ճանապարհներով զնացին, բայց մինչև Արովյանի Դորպատ մեկնելը և մեկնելուց հետո էլ, դեռ առաջին տարիներին, նրանց միացնում էր մի կողմից հալածական ճակատագիրը, մյուս կողմից այն ձգտումները, որ ծրագրում էին նրանք իրենց ապագա գործունեության մասին։

Շահագործողը, ինչպես ցույց են տալիս «Իրվանի» ծանոթագրությունները, տեղյակ է եղել Մսերյանցի նամակների գոյությունը, նրանցից մի քանիսը տեղավորել է իր կազմած «Իրվանում», իսկ մնացածներին էլ՝ ծանոթ է եղել։ «Իրվանում» գրված է. «Արովյանի արխիվում գտնվում են Մսերի մի շարք նամակները, որոնք բոլորն էլ առկա են մտերիմ բարեկամական սիրով՝ Արովյանի անձի հանդեպ»⁴։ Սակայն, ինչպես հրևում է, Շահագործողն ուշադրություն չի դարձրել կամ պարզապես նրա աչքից փախել է երկու նամակ, որոնց թվական տվյալները, ապա նաև թվագրու-

¹ Ե. Շահագործող, «Քաջատուր Արովյանի կենսագրություն», Երևան, 1945, էջ 14, ի միջի այլոց նկատենք, որ Ն. Տեր-Կարապետյանի դրած կենսագրության մեջ այս շրջանի վերաբերյալ ոչ մի թվական տվյալ չկա (տես էջ 29—31)։

² «Իրվան Խաչատուր Արովյանի», կազմեց և ծանոթագրեց Ս. Շահագործող, Երևան, 1940 թ., էջ 267։

³ Ե. Շահագործող, «Քաջատուր Արովյանի կենսագրություն», 1945, էջ 14։

⁴ «Իրվան Խաչատուր Արովյանի», էջ 273։

թյան մեջ եղած մանրամասնությունները, պետք է որ հետաքրքրեն, չբաղեցնեն նրան:

Բերենք այդ նամակների թվագրությունը. ահա մեկը՝ «'ի 1 յունուարի, 1830 ամի ի սբ. Էջմիածին»¹. ահա և մյուսը՝ «'ի 20 մարտի 1830 ամի ի սբ. Էջմիածին»¹:

Նշանակում է, այդ ժամանակները՝ այսինքն 1830-ի հունվար և մարտ ամիսներին Արուսյանը Էջմիածնից բացակայել է: Իսկ ո՞րտեղ է եղել: Նամակը հնարավորություն է տալիս այդ էլ պարզելու: Մարտի 20-ին գրած նամակում Մսերը խնդրում է Արուսյանին՝ ողջունել Առաքելին, որի հետ մի սենյակում են ապրում նա: Անկասկած, խոսքը վերաբերում է Առաքել Արատյանին: Իսկ Արարատյանը, ինչպես հայտնի է, Թիֆլիսում էր ապրում: Ուրեմն՝ այդ ժամանակները Արուսյանը եղել է Թիֆլիսում:

Մոտավոր մի հետք էլ կա Արուսյանի դորպատյան օրագրերում: Իսկ այդ օրագրերը, ինչպես արդեն ասացինք, բավական լավ ծանոթ են Շահադիդին: Վերհիշելով Դորպատ մեկնելու նախօրյակը, հալածանքը, Պարոտից նամակ ստանալը և այլն, Արուսյանը գրում է — «'ի Թիֆլիս ստացեալ ղնամակս զայս»...

Ահա հետքեր, որոնցից կառչելով՝ բանասերը պետք է շարունակեր պրպտումներ կատարել, մինչև որ գտներ Արուսյանի՝ Թիֆլիսում գտնվելու մասին լրացուցիչ տվյալներ:

Եվ իսկապես կա մի փաստաթուղթ, որը մի կողմից հաստատում է, որ Արուսյանն իսկապես Թիֆլիսումն է եղել, մյուս կողմից՝ որոշ գաղափար տալիս այն օրերի մասին, որ Արուսյանը անց է կացրել Թիֆլիսում: Սոսքը վերաբերում է «Поездка к развалинам Ани» ուղեգրական ակնարկին, որից մի այլ կապակցությամբ քաղվածաբար օգտվեցինք:

Մենք արդեն տեսանք, որ այն բանից հետո, երբ Արուսյանը համարձակություն ունեցավ հրաժարվելու հոգևոր կոչումից, նրա նկատմամբ եղած հալածանքը ծայրահեղ չափերի հասավ: Ինչպես է, որ Արուսյանն օր առաջ պետք է գլուխն առներ ու փախչեր, որովհետև, ինչպես պատմում է, միաբանությունը «պառնալի էր նրանց, ովքեր կհամարձակվեին նույն-իսկ բարեկեցիկ նրան»:

Արուսյանը, ինչպես քիչ հետո կտեսնենք, Թիֆլիս ճանապարհվել է 1829-ի դեկտեմբերի 5-ին, ուրեմն՝ կաթողիկոսից կոնդակը ստանալու հաջորդ օրը: Դեկտեմբերի 9-ի թվագրությամբ ուղեգիրը, որի մասին խոսք կա Շահադիդի կաղված կենսագրության մեջ, Արուսյանը չէր կարող ստանալ, որովհետև այլևս Էջմիածնում չէր: Այդ ուղեգիրը ստացել են նրա բարեկամները և որևէ կերպ, ըստ երևույթին, հասցրել Թիֆլիս: Այս փաստը ցույց է տալիս, թե որքան շտապելիս է եղել Արուսյանը, որքան մեծ է եղել Էջմիածնից հեռանալու նրա փափագը:

Տեսնենք ինչ մանրամասնություններ կան «Поездка к развалинам Ани» ուղեգրական ակնարկում Արուսյանի կյանքի այս շրջանի մասին:

«5-го декабря 1829-го года столь достопамятного в жизни моей бесполезной, в суровую зиму, в тумане и снегу, с растерзанною

¹ ՀՍՍՌ Գիտությունների Ազգային Մ. Արեղյանի անվան Գրականության Ինստիտուտի Գրական Թանգարան. Խ Արուսյանի արխիվ. № 286.

² Նույն տեղում № 16 ա.

душою я покинул и родину, и родителей, живущих и теперь во 20 верстах от Эчмиад[зина], с которыми я не мог ни видаться, ни проститься дабы не быть свидетелем их терзаний и слез и, может быть, по сыновней любви к ним, столь сильно кипящей и теперь во мне, не удерживаться от однажды предпринятого мною пути Арарат и Алагез, святыни праотцев наших, свидетели тогдашних моих слез и стенаний и теперешних моих к ним благоговений и преданности; но есть и живой свидетель этих сцен и происшествий со мною и в Эчмиадзине[,] и в Тифлисе. Здесь известный своею ученостью архиепископ Иоаннес Шахатуни, там учитель арм[янского] языка при гимназии Г. Араратов, друг и товарищ юных лет из деревни Шагрияра, в 8 вер[стах] от Сардарабата, где жил тогда первый у родных, старался он утирать мои слезы и успокаивать меня отцовскими наставлениями, в Тифлисе утешал и часто накармливал, боясь монахов,¹ будучи тогда учителем в их училище, другой в продолжение четырех безнадежных мучительных месяцев, где часто и в насущном хлебе, и в щепочках нуждался я, чтобы утолить голод и согреть окостеневшие от холода члены, пока наступило райское утро жизни моей радостным письмом Паррота. Этого письма на весь мир не променяю!

Дорога шла через Сардарабат и Александрополь с ужасом и внутренним и наружным от суровости зимы, что в этом городе и на горах наших хуже и жесточе российской. Спутник мой, некто штаб-лекарь Т.[.] которому не менее указывал пред тем, в продолжение трехгодичного знакомства с ним и в Эчмиадзине, и в Эривани, и в Кянакире, родной деревне, куда и теперь переходит летом госпиталь Эрив[ани] услуги дружеские. Тот же, у которого я в чуме спал в Сардарабате, и с лекарством, и с чумою вышел от него, лишь бы спасти старика, моего благодетеля, от жестокой боли глаз мучил грабил меня, ругал и оскорблял все святыни Армении, с которою он навек простился и где воспользовался он во все время своего пребывания одним добром, одною дружбою и оттуда выгнан был по причине дурного поведения и характера. Один патриарх и эчмиадзинские монахи подарили ему при мне, их единственном переводчике, несколько драгоценных перстней и табакерок, платков и парчей. И этот человек ругал при мне мое отечество, который слезы проливал пред патриархом и монахами при получении подарков. И этот человек грабил меня, похитив у бедного, неопытного юноши, как я тогда был, и 10 рублей сереб[ром], данных мне вроде милостыни от Патриарха чрез своего секретаря, о котором уже говорил, и шубу, драгоценнейшую памяtnицу столь ужасных дней; что же говорить о 74-х-дневном карантине, держанном нами в тогда суровом, разоренном Гумре² и теперь оживленном Александрополе, где и 10-тилетние сухари солдатские со времени турецк[ой] и персидской кампаний за благо неба почитали[,] лишь бы достать, где могли бы быть

¹ *Բնադրուհի* от монахов.

² *Բնադրուհի* Гумре.

все жертвою голода и стужи, если не явился бы к нам опять купец из Арм[енин] турецкой с запасом большим, с одеждами теплыми и с сердцем добрым и сострадательным! И этот человек, спасшийся, опять через гайканца, проклинал Гайканию, чего же ожидать от других, к чему оскорбляться нам пустословиями некоторых безжалостных сердец, представлявших и представляющих гайканцев в таком виде, какого ни одна нация на свете не видала, не слыхала».¹

Ի՞նչ նոր կողմեր է պարզում այս հատվածը:

Առաջին. երբ է մեկնել և ճանապարհին ի՞նչ փորձանքների է հանդիպել:

Երկրորդ. Արովյանի նկատմամբ սկսված հալածանքը շարունակվել է նաև Թիֆլիսում, ինչպես և այն, որ Թիֆլիսում քաղցած օրեր շատ է անցկացրել:

Երրորդ. ժվքեր են նրան բարեկամություն չըջապատել Թիֆլիսում:

Չորրորդ. հրքան ժամանակ է մնացել Թիֆլիսում:

Հինգերորդ. Թիֆլիս մեկնելիս չի հանդիպել ծնողներին. այս ցույց է տալիս, թե իրոք որքան շտապելիս է եղել: Հետո. երկյուղ է ունեցել, որ շատ սիրելով ծնողներին և մասս-բարովի ժամանակ տեսնելով նրանց արցունքները, կարող է փոխել որոշումը և չգնալ: Ի միջի այլոց նկատենք, որ Արովյանի մի այլ, դարձյալ չհրապարակված գործում² տանից նոր հեռացած և Պետերբուրգ հասած Արովյանը ծնողների և հայրենիքի նկատմամբ ունեցած կարոտը շատ սրտառուչ նկարագրությամբ է տվել:

«Տակաւին իբրև յերազի շրջիմ, տակաւին աչք իմ ոչ ցամաքին յարտասուաց, և շրթունք իմ, ի հառաչանաց, զօր սէր ձեր և կարօտութիւն հանեն, ճնշեն, ի սրտէ իմմէ:

Այլ զի՞նչ ասեմ. ոչ ես ցանկայի այնպէս կաթոգին թողուլ զձեզ և զալ աստ: Զի՞նչ այս փոփոխութիւն կամաց և մտաց: Ընդէ՞ր ոչ ձայն երաժշտութեան, ոչ տեսարանք, և թատրոնք զորս ամենայն տուր կարելի է տեսանել և զուարճանալ. ոչ դիտացուցանին զսիրտ իմ ցաւալից: Ընդէ՞ր միշտ ձեր քաղցր կերպարանք ներկայանան մտաց իմոց յամենայն քայլս, յամենայն շարժումնս: Ընդէ՞ր, ի լինելն իմ այդր ոչ ճանաչէի զզին բախտաւորութեան իմոյ: Ո՞ տայր ինձ թերևս միւս անդամ թռչել առ ձեզ, և հեղուլ ի ծոց ձեր զարտօսր իմ ջերմին. պատմել ձեզ զկարօտամաշ վիճակ ցաւապին իմ հոգւոյ: Երկինք օտարք զրկեն զիս, ի ձենջ տարածութիւն անհնարին խլէ զտեսութիւն ձեր յինէն: Ընդէ՞ր ոչ դարձուցի զսայլ իմ, ի միջոյ ճանապարհին առ ի միւս անդամ փարիլ զքաղցր լաջօք ձերովք: Ո՞հ՝ ես բազմիցս կամեցայ զայս. այլ օտար սայլորդն միթէ զգայր զվիճակ դառնավարան սրտիս. զի կատարիցէր զհրաման իմ: Ննջեմ թէ յառնում, աստ արձանանան ինձ վայրք չքնաղատիպ սիրելի հայրենեաց իմոց. մայր

¹ Հայկական ՍՍՌ Գիտությունների Ակադեմիայի Մ. Արեղյանի անվան Գրականության Ինստիտուտի Գրական Թանգարան. Արովյանի արխիվ. № 23:

² Արովյանի թղթերի մեջ պահվում է մի անխորագիր մատյան, որի մեջ արձակ և չափածո, ինքնուրույն և թարգմանական գործեր կան. մեծ մասը գեա չհրապարակված: Այդ մատյանում պահպանվել է չի վերա հայրենասիրության գրվածքը, որից մեջբերում ենք անում:

իմ և քոյր կանգնին արտասուած թոր աչօք առաջի իս. այլ ուրեք տեսանեմ զընկերս իմ և զհասակակիցս, որք ի ներքոյ պայծառ երկնից աշխարհին մերոյ. առ կարկաչանոս աղրերօք իւիք. կամ յստորոտս ծաղկազաւղ լիւրանց. վայելեն դաւուրս իւրեանց խաղաղութեան, յորոց միջոյ ես միայն կամ զրկեալ ե աւաղ՝ նոքա յայսմ երեկոյի դարձցին ի տուն, ուր մայր գորովագութ, եղբարք և քորք սիրով շրջաբոլորեացին զնա. այլ ես ուր վերադարձայ՝ ետան օտար՝ ի ժողովս անծանօթս. որոց կերպարանք և սիրտք պիտովին օտար են յինէն, ի մտածելն իմ զայս, սիրտ իմ պայթի, եթէ հնար իցէր արտասուօք լցել զայս նամակ այնպէս առաքէի առ քեզ՝¹

Իսկ թե ինչ սրտաճմլիկ տեսարան է ներկայացրել իրենից Արովյանի և նրա հարազատների բաժանումը, վկայում է դորպատյան օրագրերում պահպանված հետևյալ հատվածը.

«Անհնարին է ինձ նկարագրել զտեսարանն, ուր նազելի ծնողք փառեալ զինս աւելի ևս մահ իւրեանց ցանկային, քան զհեռանալն իմ ի նոցանէ:

ժամս բաղումս անկեալ զպարանոցաւ միմիանց, միմիայն արտասուէաք, առանց տալոյ բարբառ ինչ, Եղբարք իմ ի սաստկութենէ ցաւոյ սրտի իւրեանց անիծանէին զհանապարհ իմ և մայր իմ ցանկայր ընդ իս կեալ և ընդ իս մեռանել: Տար զիս ընդ քեզ, ուր ե երթաս. ես պատրաստ եմ տանել զամենայն ընդ քեզ որդեակ իմ, ասէր գորովագութ կենսասունն իմ, ցուցանելով ինձ զբարերար ստինս իւր, որով սնուցեալ էր նա զիս: Հաղիւ հեռացեալ նոցա յաչաց իմոց, հոգի իմ կամէր ելանէլ, վասնորոյ բազմիցս վերադարձայ կրկին տեսանել զնոսա:

Վեցերորդ. Այս հատվածում մի կենսագրական նորություն կա, մի փոքրիկ դեպք Արովյանի կյանքից. թե ինչպես Եփրեմ կաթողիկոսին աչքերի ցավից ազատելու համար, սեփական կաշիքը վտանգի ենթարկելով, Արովյանը գնացել է դեղ բերելու Սարգարաբաղից. որն այն ժամանակ ժանտախտով է բռնված եղել:

Վերջուպես այս հատվածից պարզվում է, որ Արովյանը Պարրոտի նամակը ստացել է ոչ թե Էջմիածնում, ինչպես գրված է Շահազիզի գրքում (նաև շատ ուրիշ կենսագրությունների միջ), այլ Թիֆլիսում, այնտեղ եղած ժամանակը:

Նախ՝ Արովյանը գրում է, որ ինքը չորս անհույս ամիսներ է Թիֆլիսում անցկացրել, մինչև որ Պարրոտի ուրախաբեր նամակը, ինչպես ինքն է ասում, իր կյանքի զրախտային առավոտն է բացել:

Կա և մի այլ, լրացուցիչ վկայություն:

Թիֆլիսից գալուց հետո Արովյանը մի քանի նամակ է ուղարկել Ալամդարյանին: Իրկուսը, որ միևնույն բովանդակությունն ունեն, պահպանվել են: Դրանցից մեկը հրապարակված է Շահազիզի կազմած «Իիվանում» (էջ 26—7): Մի նամակում, որ գրված է մայիսի 28-ին, մանրամասնաբար պատմված է Էջմիածնում տեղի ունեցած դեպքերը, որ Արովյանը լսել է Նիկողայոս Շմավոնյանից: Իսկ վերջինս ներկա է եղել նամակում նկարագրված դեպքերին: «Ուսումնակից իմոյ» — այսպես է կոչում Արովյանը Շմա-

¹ Հայկական ՍՍՌ Գիտությունների Ակադեմիայի Մ. Արեղյանի անվան Գրականության Ինստիտուտի Գրական Թանգարան, Արովյանի արխիվ. № 33.

² Նույն տեղում. № 16 ա:

վոնյանին, նամակի վերջում էլ գրված է—«Ջայս ամենայն ինքնին ան-
ձամբ անձին ցանկայր գրել առ ձեզ, հարազատն ձեր պարոն Նիկողայոս Շմա-
վոնյանց» և այլն։ Ինչպես երևում է, այդ Շմավոնյանը, Արմավրայի հետ
միասին, սովորել է ներսիսյան դպրոցում և Ալամդարյանին նվիրված
աշակերտներից է եղել։ Արմավրայն ասում է, որ հետագայում նա խոստա-
նում է «ամենայն յօժարութեամբ» Ալամդարյանին իրագեկ դարձնել այն
ամենին, ինչ որ տեղի կունենա էջմիածնում։ Այս նշանակում է, որ Արմ-
վայանին պետք է վերոհիշյալ Նիկողայոսը փոխարիներ, որովհետև ինքը բա-
ցակայելու էր։ Ուրեմն՝ նրա մեկնելու հարցը արդեն վճռված էր։

Մի այլ, դարձյալ Ալամդարյանին հասցեագրված նամակում ավելի
որոշակի տվյալներ կան։ Այդ նամակը գրված է մայիսի 23-ին, նամակում
պարզ ասված է, որ էջմիածին վերադառնալը ոչ մի օգուտ չտվեց։ Սինոդի
անդամներից երկուսը արգելել են Արմվայանին գրադարանից ոչ միայն
օգտվել, այլև միաբանների միջոցով ստանալ իր ուղած գրքերը։ Այս ցույց
է տալիս, որ թեև կես տարի, նույնիսկ ավելի էր անցել Արմվայանին նգո-
վելուց, բայց հալածանքը դեռ շարունակվում էր։ Դրա ամենագլխավոր
պատճառը անշուշտ այն է եղել, որ բոլորպատ մեկնելու հարցը լուծվել էր
Արմվայանի օգտին։ Անհավանական չէ, որ Արմվայանը էջմիածնի գրադարա-
նից մտադիր է եղել վերցնել այն գրքերը, որ հիշված են Պարբոտի նա-
մակում. «ձեզ հետ բերեք,—գրում է Պարբոտը,—հայոց պատմության, մա-
տենագրության և դավանության վերաբերյալ մի քանի գրքեր. հատկապես
բառարան և «ս. պիրք»¹։ Այդ նույն նամակում պարզ ասված է, որ միա-
բանները իրեն նախանձում են հաջող դիպվածի համար։ Հաջող դիպվածքը
Արմվայանի կյանքի այս շրջանում ոչ այլ ինչ էր, բայց եթե միայն Պար-
բոտի նամակը։

Ահա մեկ ուրիշ տվյալ ևս։ Հունիսի 26-ին, երբ Արմվայանն արդեն Թիֆ-
լիսում չէր, Ալամդարյանը նամակ է ուղարկել նրա անունով, ասելով, որ
վաղուց Թիֆլիսի գինվորական գավառապետից մի գրություն է ստացել
նրա համար արված արքունի շնորհի մասին։ Ոոսքը Ստրեկալովի մասին
է, որն ուղարկել է վերոհիշյալ թուղթը Ալամդարյանին, ինչպես և Վրաս-
տանի թեմը ժամանակավորապես կառավարող Սիմեոն Բյնունուն, կազմե-
լով այն Պասկեիչի մայիսի 4-ին գրված հրամանագրի հիման վրա։ Ալամ-
դարյանը գրում է Արմվայանին, որ ինքը Ստրեկալովի թուղթը վաղուց
ստացել, հարձիգ էր պատահել, որ Ալամդարյանը, Արմվայանի անկեղծ բարեկա-
մը, երկար պահեր մի այնպիսի գրություն, որի ուղացումը Արմվայանին արդեն
հույսկան մեծ ապրումներ էր պատճառել։ Հագիվ թե՛ Իսայց չէ՞ որ ինքն է
գրում, թե ստացել է վաղուց։ Ինչպես հասկանալ Ալամդարյանի այս վկա-
յությունը։ Նշանակում է, Արմվայանը, դեռ Թիֆլիսում եղած ժամանակ,
արդեն ստացել էր Պարբոտի նամակը, որին, ինչ խոսք, տեղյակ է եղել
նաև Ալամդարյանը, նամանավա՛նդ որ Պարբոտը նամակում խնդրել է
Արմվայանին հավաստել Ալամդարյանին իր «սրտաբուխ հաբգանքն ու շնորհա-
կալիքը»²։ Իվ, ըստ երևույթին, Ալամդարյանն էլ համոզել է Արմվայանին՝

¹ «Դիվան Նաչատուր Արմվայանի», էջ 263։

² Նույն տեղում, էջ 267։

³ Նույն տեղում, էջ 263։

այլևս իզուր տեղ քաղցած օրեր չանցկացնել Թիֆլիսում, վերադառնալ էջմիածին և սպասել այն պաշտոնական գրության, որը պետք է հաջորդեր Պարրոտի նամակին:

Կա և մի այլ հանգամանք: Ստրեկալովի թուղթը անթվակիր է: Բայց այն, բոլոր դեպքերում, պետք է գրված լինի մայիսի 4-ից հետո: Ե՞րբ է դուրս եկել Արովյանը Թիֆլիսից և կարճ էր արդյոք ստանալ այնանոց Պարրոտի նամակը, որը գրվել է ապրիլի 4-ին: Թիֆլիսից վերադառնալուց հետո, Ալամդարյանին գրած առաջին նամակում Արովյանն ասում է, որ ինքը գալուն պես չի կարողացել գնալ էջմիածին և գնացել է մի շաբաթ հետո: Նամակը գրված է մայիսի 23-ին: Նշանակում է նա Երևան կամ Բանաքիո հասել է մոտավորապես մայիսի 15-ին: Իսկ մի քանի օր դրանից առաջ էլ պետք է նա ճանապարհված լիներ Թիֆլիսից, նշանակում է, Ստրեկալովի գրությունը Ալամդարյանը ստացել է մոտավորապես այն ժամանակները, երբ Արովյանը եղել է կամ ճանապարհին, կամ էլ պետք է նոր տեղ հասած լիներ: Իսկ եթե ճիշտ է, որ Արովյանը Թիֆլիսից դուրս է եկել ոչ շուտ, քան մայիսի 15-ը, ապա ադատ կարող էր ստանալ Բորպատից ուղարկված նամակը:

Եվ վերջապես, այս ենթադրությունը հաստատող մի տվյալ էլ գտնում ենք Արովյանի դորպատյան օրագրերում: Մի օր Արովյանը վերհիշում է այն ամենը, որ նախորդել է իր Դորպատ մեկնելուն: Ահա այդ նույն հատվածում նա ասում է, որ, ստանալով այդ նամակները, ինքը վերադարձել է ծնողների մոտ՝ նրանց օրհնությունը ստանալու: Արովյանը չի ասում, թե իր խոսքը ինչ նամակների մասին է: Բայց դրանից մի փոքր առաջ բերված են Պարրոտի որոշ արտահայտությունները, որ հիշեցնում են նամակը: Սա իրավունք է տալիս կարծելու, որ խոսքը վերաբերում է Պարրոտի նամակին:

Բացի այդ, կա և մի այլ անուղղակի վկայություն նույն այս հատվածում: Արովյանն ասում է, որ ինքը Թիֆլիսից վերադարձավ ծնողների օրհնությունը ստանալու համար: Ուրեմն՝ մեկնելու հարցը արդեն վճռված էր Արովյանի համար:

¹ Հայկական ՍՍՌ Գիտությունների Ակադեմիայի Մ. Աբեղյանի անվան Դրականության Ինստիտուտի Դրական Թանգարան, Արովյանի արխիվ, № 16 ա.